



Klub poslanika Naša stranka – Nezavisni blok

Broj:

Sarajevo, 05.02.2021. godine

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM

n/r gđa. Borjana Krišto, predsjedavajuća

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 05-02-2021			
Organizaciona jedinica	Klasifikaciona oznaka	Redni broj	Broj priloga
01	-50-1	+331	121

Na osnovu člana 8. Poslovnika Predstavničkog doma Parlamentarne skupštine BiH, podnosim

POSLANIČKU INICIJATIVU

Kojom se traži od Vijeća ministara Bosne i Hercegovine da uspostavi Nagradu „Denis Mrnjavac“ u spomen na njega, i na sve ostale djevojke i mladiće žrtve nasilja.

Nagradu bi svake godine dodijeljivalo Ministarstvo za ljudska prava i Izbjeglice BiH ili Vijeće ministara BiH, ovisno od odluke Vijeća ministara BiH i u skladu sa procedurom koju isto propiše, jednom učeniku/ci osnovne i jednom učeniku/ci srednje škole, a sve osnovne i srednje škole u Bosni i Hercegovini bi mogle nominovati učenike i učenice koji promiču toleranciju, humano i nenasilno ponašanje. Nagrada bi se trebala sastojati od skulpture ili drugog prikladnog predmeta, posebnog priznanja u obliku povelje, te jednogodišnje stipendije u prikladnom iznosu, kao i prikladnog priznanja za školu nagrađenog učenika/ce, koje sve detalje pobliže propisuje Vijeće ministara BiH.

Obrazloženje:

Denis Mrnjavac bio je šesneastogodišnji učenik drugog razreda Gimnazije Katoličkog školskog centra u Sarajevu. Prije tačno 13 godina, 6. februara 2008., na brutalan i bezobziran način, ubili su ga huligani u tramvaju kod Tehničke škole, niti 300 metara od ove zgrade. Ovo ubistvo je šokiralo Bosnu i Hercegovinu, ali i širi region, i stalno nas podsjeća na potrebu suzbijanja vršnjačkog nasilja.

U Republici Hrvatskoj postoji Nagrada „Luka Ritz,“ prema srednjoškolcu kojeg su u junu 2008. godine na smrt pretukli huligani na zagrebačkom Mostu slobode. U spomen na njega, i na sve ostale djevojke i mladiće žrtve nasilja, Vlada Republike Hrvatske uspostavila je godišnju nagradu Luka Ritz za promicanje tolerancije i škole bez nasilja. Sve osnovne i srednje škole u Republici Hrvatskoj mogu nominirati učenice i učenike koji promiču toleranciju, humano i nenasilno ponašanje, a svake godine jedan učenik/ca osnovne i jedan učenik/ca srednje škole dobiju ovu nagradu. Nagrada se sastoji od skulpture, posebnog priznanja u obliku povelje i jednogodišnje stipendije u iznosu od 1.000,00 HRK mjesečno. Škola koju pohada nagrađeni učenik dobija posebno priznanje.

Nadležnost Vijeća ministara BiH da uspostavi ovu nagradu je neupitna. Zakon o ministarstvima i drugim organima uprave BiH jasno propisuje da je Ministarstvo za ljudska prava i izbjeglice BiH nadležno, *inter alia*, „za promovisanje i zaštitu ličnih i kolektivnih ljudskih prava i sloboda“. Predložena nagrada ni na koji način ne bi zađirala u segment obrazovanja, već bi jasno i isključivo promovisala „zaštitu ličnih i kolektivnih ljudskih prava i sloboda“ jer bi poticala i motivisala učenike širom Bosne i Hercegovine da njeguju takvo ponašanje i te vrijednosti, kako u školskom tako i u svakodnevnom životu.




Klub poslanika Naša stranka – Nezavisni blok

Zvanični podaci o Luka Ritz nagradi preciziraju da je svrha dodjeljivanja te nagrade “**potaknuti mlade da se aktivno uključe u borbu protiv nasilja, senzibiliziranje javnosti, posebice mlade populacije te njihovih roditelja i nastavnika za prevenciju nasilja, promovirati pozitivne uzore i modele ponašanja,**”¹ a što su sve obilježja **promovisanja ličnih i kolektivnih ljudskih prava i sloboda**, odnosno navedenih nadležnosti Ministarstva za ljudska prava i izbjeglice BiH.

Ovu Inicijativu podnosim dan uoči 13. godišnjice ubistva Denisa Mrnjavca, te molim da se poduzmu sve radnje kako bi se osiguralo njeno razmatranje na idućoj sjednici Predstavničkog doma.

S poštovanjem,


Damir Arnaut

Poslanik u Predstavničkom domu

¹ <https://mzo.gov.hr/istaknute-teme/drzavne-nagrade/nagrade/nagrada-luka-ritz/886>.